



Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiæ & Iuris Canonici Doctoris |||
celeberrimi, ac Ecclesiæ Ham-||burgensis quondam
Decani**

Krantz, Albert

Coloniae, 1574

Capvt II.

urn:nbn:de:hbz:466:1-11453

tur etiam ab alijs, qui aduersaturi Friderico videbantur. Nonnulli tamen ex principibus graue etiam onus Imperij loquebantur, quod eius imminuta nimis iura viderentur, fortem, & acrem principem esse requirendum, cui iugum imponatur. Ita pro se quisq; recusare, & ad aliū potius deriuare contendit. Id cum ex composto inter principes fieret, procurante Alberto Moguntino archiepiscopo, qui domum Henrici non amaret, Saxonies aut, à quibus diu defensus esset, haberet in precio: Fridericus & ipse nihil subesse doli veritus, ita penè certus de se eligendo, ut moderationis suæ ille quoq; præferret indicia, & insignia Imperij principibus restituit, & ut ceteri, imparem se illi negocio, etiam abhorrentem oneri demonstrabat. Rapuere occasionem, qui cum Moguntino senserant: Quandoquidem, inquiunt, recusant Imperium, quibus videbatur deferendum, Luderus Saxonia dux implorandus, ne patiatur Imperij dignitatem acere contemptā. Itaq; vnanimi consensu illum eligunt, nihil recusantē. Fridericus ut dolos persensit, iam rem vertere nec poterat, nec tentare modestum putabat: sed tamen Ludero, quem deinceps Lotharium, propter crebriorem eius nominis in annalibus mentionem, appellabimus, infensus diu permanxit. Franci quoq; indignati, quod vir Saxo & Suevis, & Francis præferretur, consobrinum Henrici Imperatoris. Conradum dixere regem. Sed Lotharij fortuna præponderauit.

CAPUT II.

ERAT annus viceimus sextus post mille atque centum, cum prima regis expeditio in Bohemiam fieret: Sed cum inexplorato procederet, interceptus est in sijs Bohemorum: Cæsi plurimi, capti non pauciores. Inter caesos erat Hartungus, filiorum Adolphi comitis

Holsatiæ maior natu: Inter captos autem Albertus mar-
chio de Brandenburgo, cognomento Vrsus. Sed tum in-
teruentu communium amicorum est intercepta, paca-
taq; priusq; rex in sua regrederetur. Quo tempore Otto
Halberstadiensis episcopus ab Honorio Papa deponitur
ob labem Simoniae: sed intra triennium ab illius succe-
sore Innocentio II. concilio Leodij habito restituitur.
Rex verò anno regni VII. Italicam expeditionem pro
corona Imperij assequenda instituit: Peruenit Aug-
ustum: ibi q; exorto inter milites & ciues tumultu,
ciuitas pro magna parte conflagravit: cùm etiam multi in
ipsa tumultu pugnantes, cecidissent: sed, vt fieri solet,
maior pars ciuium. Per Lombardiam quoq; & Hetru-
riam eunti non parùm erat laboris: sed tamen cùm illi
cessissent, vel fracti, vel sponte dediti, qui restiterant, iei-
nuu tenuit incolume: coronamq; Romæ accepit ab Inno-
centio, cū Rixa cotorali. Reuersus in Germaniā, cùm pri-
us graui bello in Sueuos Fridericū Conradumq; labo-
rasset, interuētu summi pontificis res cōponuntur: pīg;
Conradus pridē regnum pr̄sumens, ex hoste amicissi-
mus. Reddidit Imperatori pōtifex vicē, q; ille pridē in
Urbe sedasset controuersiam, quā illi fuerat cum com-
petitore. Venerat per hāc tempora Kanutus Slesvici dux
ad Imperatoris pr̄sentia, Obotitorum prouinciam, &
omnem ditionem, quam ante illum tenuisset Henricus
Godscalci & wandalorum principis filius, in feudū ab Im-
perio poscēs: Sic enim cōuenerat inter Henricum dum
viueret, & hunc Kanutū. Imperator non ignarus pati
quod intercesserat, Kanutū non solum inuestit, sed eu-
am corona donat: decus esse Imperij reputans, si regi-
bus imperaret. Ea tamen res necem peperit optimo viro.
Nam insimulatus fuit à Dania regibus, quod coronam

Dania

Daniae Imperio submisisset, eamq; ab Imperatore impetrasset. Iniuriam verò maximam æmuli Kanuto viro iustissimo irrogauere. Talis enim & vixit & mortuus est Kanutus, vt miraculis in morte coruscans, inter sanctos referretur: quod in Dania diximus, & attigimus in *Wandalia*.

CAPVT III.

Holsatia per ea tempora moriente primo Adolpho, adolescentior eius filius, itidem Adolphus cœpit præesse: Nam, quod prædiximus, Hartungus maior filius cecidit sub rege in expeditione Bohemica. Erat autem tum rerum status: *Wagriam* & omnem terram Obotitorum, quæ nunc dicitur Magnopolensium, tunc, ut diximus, tenuit Kanutus, vir regij sanguinis, patre natu^r Erico, qui in peregrinatione ad terram sanctam Cyprum moritur: quod in Dania diximus. Eam vero *Wagriam* illustrabat prædicatione vir Deo acceptissimus Vicelinus, habitans cum fratribus in Faldera. Misit autem prædicatores ex suis in veterem urbem Lubicam, in loco qui nunc dicitur *Zwartow*: Ibi Henricus Godcalci filius, ecclesiam extruxit in mōte trans flumē Trauenā. Vicelinus autem cum Henrico per charus exitisset, adiūt filium eius *Zwenteploch* redeuntem ex lōginquis, fœderisq; paterni illū admone ns, impetrauit, vt prædicatores exceptere dignaretur in sua Lubica. Annuit ille perbenigne: Missiq; fratres Ludolphus & Volquardus, prædicationi insitēre, & à mercatoribus humanissimè sunt foti. Cum interea Rugiani hostes posteriorum Henrici, propter Imperium, quod in illos quoquè propagare contenderat, & nomen Christi, quod gentiles oderant, in Lubicam veterem per mare duxerunt, occisis omnibus quos repererant, sacerdotes effugabant.

Aa 4 *Wanda-*